



UNIVERSITÄTS-
BIBLIOTHEK
PADERBORN

Flores Meditationvm

Bebius, Philippus

Coloniae Agripp., 1623

Medit. 31. De Condemnatione & crucifixione.

[urn:nbn:de:hbz:466:1-59636](https://nbn-resolving.org/urn:nbn:de:hbz:466:1-59636)

5. Auscultant vocibus mundi dicentis. *Si hoc facis non es amicus Caesaris:* qui tacita Dei inspiratione, ad bonum aliquod faciendum excitati, aut ad imperfectionem vel peccatum aliquod deserendum, respectu humano non obtemperant inspirationi.

6. Iudæi quod repudiato Christo Casarem regem suum vellent, in tot mala inciderunt, & in perpetuam seruitutem. Sic qui relicta seruitute Christi, ad mundam redeunt, perpetua fiunt mundi mancipia, & cum mundo pereunt.

7. Seculares, qui viuunt ex præscripto legum mundi & carnis; operibus suis clamant: non habere se Regem nisi Casarem. Religiosi item cum suo, non superiorum iudicio & voluntate regi volunt, Regi cœlesti repudiato, adherent terreno.



MEDITATIO XXXI. DE CHRISTI CON- DEMNATIONE.

PVNCTA MEDITATIONIS.

Mat. 27 I. Pilato pro tribunali sedenti nunciavit vxor, ne se cause Christi misceret; eo quod multa passa esset propter illum.

II. Pilato post lotionem manuum dicente: Innocens sum à sanguine Iusti huius; responderunt: Sanguis eius super nos, &c.

III. Sic

III. Sic Pilatus volens populo satisfacere, adiudicavit fieri petitionem eorum scilicet, vt dimisso Barraba, IESVS eis daretur.



MEDITATIO
DE CONDEMNATIONE
ET CRUCIFIXIONE
IESV CHRISTI.

PVNCTA MEDITATIONIS.

- I. Sedens pro tribunali Pilatus, Christum iudicavit, & tradidit crucifigendum. Ioan. 19.
- II. Baiulavit Christus crucem suam, donec ob virium defectum, Simon quidam Cyrenæus illam post eum ferre compulsus est.
- III. Inter duos Latrones crucifixus fuit ascripto titulo: IESVS NAZARENVS REX IVDÆORVM.

FIGVRA.

NABOTH innocens, à principib. Iez. 3. Reg. 21. rael, iussu impiæ Iezabelis, iniquè damnatus est ad mortem.

N S PRO-

 PROPHETIÆ.

Psal. 88. **E**XALTASTI dexteram deprimen-
tium eum, latificasti omnes inimicos eius.

Psal. 93. Captabunt in animam iusti, & sanguinē
innocentem condemnabunt.

Sap. 2. Morte turpissima condemnimus eum.

 DOCUMENTA.

1. **I**N rebus aduersis & tentationibus, subij-
cere nos patienter & humiliter debemus
iudicio Dei, vt iniustum Pilatum Christus
accipere iudicem non recusauit.

2. Cū vel ex professione nostra, vel officio
tenemur malum aliquod prohibere, non de-
cet nos tergiuersari, ne opus sit cum Pilato
manus lauare, sed defendere, quibus possimus
modis honorem Dei & proximi.

3. Pilatus optabat Christum dimittere, sed
cum bona gratia Iudæorum: itaque temper
illos audiens non constanter reiciebat. Inui-
tus itaque venit ad condemnationem Chri-
sti. Sic nisi forti & constanti animo auerse-
mur ea, quæ nos, à Deo & virtute abducunt:
blanditijs sine dubio peccati iam corruptos
habemus animos.

4. Pilatus, quod non præcisè ostenderet,
planè se dimissurum Christū, occasionem Iu-
dæis dedit sperandi bene de sua cupiditate, &
vsque eo vrgendi dum peruincerent: Sic nisi
in pugna tentationum, illud ratum & fixum
habeamus, nullum peccatum admittere, nun-
quam cessabit infestare nos demon dum pro-
strauerit: quia nos illi nostro tempore spem
damus posse nos vinci.

s. Ma

5. Manus cum Pilato lauamus. & simul condemnamus Christum, cum id quod religioni nobis ducimus, tamen perpetramus, etiam excusando, coactos nos, seu aliqua tentatione seu timore humano.

6. Iniqua hominum de nobis iudicia exemplo Christi, cui seruimus, moderatè ferenda sunt. Ille enim iniquissimam à Pilato sententiam, amore nostri patientissimè sustinuit.

7. Quàm sèpè, vt mundo aut carni gratum aliquid præstemus, aut propter honores, aliaque bona temporalia, more Pilati iniuste aliquid agendo, Christum damnauimus?



MEDITATIO XXXII.

DE BAIVLATIONE

CRVCIS.

PVNCTA MEDITATIONIS.

I. *Apprehendentes IESVM illuserunt ei, exuentes eum purpura, & induentes vestimentis suis.* Mat. 27
Marc. 15
Ioan. 19.

II. *Eduxerunt eum, vt crucifigerent.*

III. *Baiulans sibi crucem, exiuit in montem Caluarie.*

FIGVRA.

ISAAC cum patre ad mortem proficiscens, in quo sacrificaretur, ligna sacrificij gestabat in humeris. Gen. 22.

N 6

Præ-